

Magozwe



✎ Lesley Koy!
☑ Wiehan de Jager
📁 Georgette McGlashen
|| 5
😊 Patwa Jam




Global Storybooks

globalstorybooks.net

Magozwe

✎ Lesley Koy!
☑ Wiehan de Jager
📁 Georgette McGlashen




This work is licensed under a Creative Commons
[Attribution 4.0 International License.](https://creativecommons.org/licenses/by/4.0)
<https://creativecommons.org/licenses/by/4.0>







Inna di bizi siti a Nairuobi, faar fram a laif a uom kier, yu did av wahn grup a bwaai pikni we no liv no we. Dem tek evridie jos az it kom. Pan wan a di maanin dem di bwaai pikni dem did a pak op dem mat dem fram aafa di kuol kangkriit we dem did a sliip. Fi fait aaf di kuol dem kech op faiya wid gyaabij. Mongs di grup a bwaai pikni dem a did Magozwe. Im a did di liklis.

Wen Magozwe pierens dem did ded, im a
did ongl faiv iez-uol. Im did go liv wid im
ongkl. Di man neva bizniz bout di pikni. Im
neva gi Magozwe inof fuud. Im mek di
bwaai pikni du uol iip a aad wok.





Ef Magozwe komplien ar aks no kwestiyan, im ongkl biit im. Wen Magozwe aks ef im kuda go skuul, im ongkl biit im an se, "Yu tuu fuul-fuul fi lorn notn." Afta chrii ierz a da chriitment de Magozwe ronwe fram im ongkl. Im did staat liv pan di schriit.




Magozwe did a siddong inna di yaad a di ous wid di griin oustap, a riid wahn stuoribuk fram skuul. Tamas kom op an did siddong bisaid a im. "Wa da stuori ya bout?" Tamas aks im se. "A bout wahn bwaai pikni uu ton wahn tiicha," Magozwe ansa se. "We di bwaai pikni niem?" Tamas aks se. "Im niem Magozwe," Magozwe ansa wid a smail.



Schritt laif did aad an nof a di bwaai pikni
dem did fain it aad evridie jos fi get fuud.
Somtaim dem get lak op bai poliss,

somtaim dem get bitn. Wen dem get sik,
nobadi no de fi elp dem. Di grup a bwaai
pikni dipen pan di likl moni we dem get
fram wen dem beg, an fram wen dem sel
plaskit an ada tingz we yuuz agen. Laif di
iivn muor aada kaaz a faitin wid

kantenshos piipn uu waahn kantruol a som
paat a di siti.



Magozwe did staat skuul an it di aad. Im
did ari kech op. Somtaim im did waahn gi
op. Bot im did tingk bout di pailat an di
futbaala inna di stuoribuk dem. Laik dem,
im neva gi op.




Wan die wen Magozwe did a luk chuu di gyaabij pan dem, im fain wahn uol tier op stuoribuk. Im kliin di dort aaf a it an put it inna im bag. Evridie afta dat im wuda tek out di buk an luk pan di picha dem. Im neva nuo ou fi riid di wod dem.



So Magozwe did muuv iihn a wahn ruum inna di ous wid di griin oustap. Im shier di ruum wid tuu ada bwaai pikni. In aal a did ten pikni a liv a di ous. Inkludn anti Sisi an ar osban, chrii daag, wahn kyat, an wan uol guot.



Di picha dem did a tel di stuori bout wahn
bwaai pikni we gruo op an ton wahn pailat.
Magozwe wuda diejriim bout se im a wahn
pailat. Somtaim, im imajin se im a did di
bwaai pikni inna di stuori.




Im tel Tamaz di tingz dem we im di fried a.
Liki bai liki di man kanvins di bwaai pikni se
laif kuda beta a di nyuu plies.




It did kuol an Magozwe did a stan op pan di ruod a beg. Wahn man waak op tu im. "Eluo, mi a Tamas. Mi wok nier ya so, a wahn plies we yu kyahn get sopm fi nyam," di man se. Im paint pan wahn yelo ous wid wahn bluu oustap. "Mi uop se yu wi go de go get som fuud?" im aks se. Magozwe luk pan di man, an den pan di ous. "Miebi," im se, an waak we.



Magozwe did tingk bout di nyuu plies, an bout fi go a skuul. Wa'apm ef im ongl did rait an im did tuu fuul-fuul fi lorn notn. Wa'apm ef dem giim biitn a di nyuu plies? Im di fried. "Miebi a did beta fi stie an liv pan di schriit," im tingk tu imself.




Uova di neks kopl a monts dem, di bwaai
pikni dem we no liv no we get yuuz tu si
Tamas roun di plies. Tamas did laik taak tu
piipl, espeshali piipl we liv pan di schritt.
Tamas wuda lisen tu di stuori dem bout ou
piipli liv. Im did siiros, an pishent, neva
ruud ar shuo no disrispek. Som a di bwaai
pikni dem did staat go a di yelo an bluu
ous inna di migl a di die fi get fuud.



Roun wen Magozwe a go bi ten iez-ol,
Tamas gi'im wahn nyuu stuori buk. A did
wahn stuori bout wahn bwaai pikni fram di
viliij we gruo op fi bi wahn fimos futbaala.
Tamas riid di stuori tu Magozwe uol iip a
taim, so til wan die im se, "Mi tingk a taim
nou yu go a skuul an lorn fi riid. We yu
tingk?" Tamas tel im se im nuo bout wahn
plies we pikni kuda stie, an go a skuul.



Magozwe did a siddong pan di kangkriit a luk pan im picha buk wen Tamas kom siddong bisaid a im. "We di stuori bout?" Tamas aks se. "A bout wahn bwaai pikni we ton a pailat," im ansa se. "We di bwaai pikni niem?" Tamas aks se. "Mi no nuo, mi kyaahn riid," Magozwe wispa se.



Wen dem di miit, Magozwe did staat tel Tamas di stuori bout imself. A did di stuori bout im ongl an wai im ron we. Tamas neva taak nof, an im neva tel Magozwe wa fi du, bot im alwiez lisn gud tu evriting. Somtaim dem wuda taak wentaim dem a nyam a di ous wid di bluu oustap.